


RAPORT I AUDITUESIT TË PAVARUR



Për *Komisioni Qendror i Zgjedhjeve*
Rr. Ibrahim Rugova, Nr. 4, Tiranë 1007

I. Informacion i Përgjithshëm

Bazuar në Kontratën nr. Prot. 2336, datë 09/05/2022 lidhur me Komisionin Qendror të Zgjedhjeve (KQZ) në cilësinë e Ekspertit Kontabël të Liçensuar (Auditues Ligjor) me misionin e auditimit të fondeve të përfituara dhe shpenzimeve për vitin kalendarik 2021 për **Partia e Gjellbër**. Si vijon, po ju paraqes raportin e hartuar sipas formatit të standartizuar nga KQZ-ja.

II. Informacion Ligjor

i. *Kuadri Ligjor*

Refruar kontratës së shërbimit, auditimi ligjor i raporteve financiare vjetore të partive politike kërkohet dhe realizohet në zbatim të kërkesave ligjore si vijon:

- Ligji Nr. 8580, datë 17.02.2000 "Për partitë politike", i ndryshuar;
- Ligji Nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratur", i ndryshuar;
- Ligji Nr. 25/2018, datë 10.05.2018 "Për kontabilitetin dhe pasqyrat financiare";
- Udhëzimi Nr. 10, datë 21.04.2021, të Komisionerit Shtetëror të Zgjedhjeve "Për caktimin e rregullave për raportimin financiar vjetor të partive politike, kontrollin dhe verifikimin e financimeve dhe shpenzimeve të tyre, dhe mënyrën e pagesës së audituesve".

Nga pikëpamja profesionale kryerja e auditimit ligjor bazohet në Standardet Ndërkombëtare të Auditimit (SNA-të) të miratuara dhe të publikuara nga Bordi i Standardeve Ndërkombëtare të Auditimit dhe të Dhënies së Sigurisë të Federatës Ndërkombëtare të Kontabilistëve (FNK), të detyrueshme për zbatim nga ligji për auditimin e sipërcituar.

ii. *Standartet e kontabilitetit të zbatueshme*

Në përputhje me Ligjin, Nr.25/2018, datë 10.05.2018 "Për Kontabilitetin dhe Pasqyrat Financiare", partitë politike kanë statusin e njësisve jofitimprurëse dhe janë subjekt i Standardeve Kombëtare të Kontabilitetit (SKK-të) dhe specifikisht i Standardit Kombëtar të Kontabilitetit të Organizatave Jofitimprurëse (SKK për OJF-të).

Sipas këtij Ligji, Njësitë ekonomike jofitimprurëse (OJF) hartojnë pasqyrat financiare si më poshtë:

- a) pasqyrën e pozicionit financiar;
- b) pasqyrën e aktiviteteve;
- c) pasqyrën e fluksit të mjeteve monetare;
- ç) shënimet shpjeguese.

III. Objekti i Auditimit

i. Kontrata e shërbimit

Për përmbushjen e misionit të auditimit, me palën angazhuese KQZ-në, u lidh kontrata e shërbimit Nr. Prot. 2336, datë 09/05/2022, me objekt: "Kryerja e auditimit të detyrueshëm të partive politike, të fondeve të përfituara dhe të shpenzuara gjatë periudhës raportuese 2021, në përputhje me Ligjin nr. 8580, datë 17.02.2000 "Për Partitë Politike", i ndryshuar dhe ligjeve të tjera respektive cituar sa më sipër si dhe Kontrata me Partinë e Gjellbër më datë 08/06/2022.

ii. Përgjegjësitë përkatëse të subjektit zgjedhor dhe audituesit ligjor

Përgjegjësitë e drejtimit të Partisë Politike

Auditimi do të kryhet bazuar në faktin që drejtimi (personi përgjegjës për regjistrimin dhe kontrollin e aktivitetit financiar të partisë politike ose personi i përcaktuar sipas statutit të partisë) pranon dhe kupton se ka përgjegjësi:

- a) Për përgatitjen dhe paraqitjen e drejtë të pasqyrave financiare (raportit vjetor) në pajtim me Standardin Kombëtar të Kontabilitetit për Organizatat Jo-Fitimprurëse (SKK për OJF-të) dhe me kërkesat specifike të Ligjit "Për Partitë Politike" i ndryshuar, dhe në udhëzimet e Komisionit Qendror të Zgjedhjeve (KQZ-së);
- b) Për kontrollet e brendshme të atilla që drejtimi i partisë i konsideron të nevojshme për të bërë të mundur përgatitjen e pasqyrave financiare pa anomali materiale nga mashtrimi apo gabimi; dhe
- c) T'i ofrojë audituesit:
 - Të drejtën e hyrjes në të gjitha informacionet për të cilat drejtimi ka dijeni se janë të nevojshme për përgatitjen e pasqyrave financiare, sic janë regjistrimet, dokumentacioni dhe çështje të tjera;
 - Informacion shtesë, të cilin audituesi mund ta kërkojë nga drejtimi për qëllime të auditimit; dhe
 - Të drejtën e komunikimit pa kufizim me personat brenda partisë nga të cilët audituesi e gjykon të nevojshme për të marrë evidencë auditimi.

Si pjesë përbërëse e procesit të auditimit, do të kërkohen nga drejtimi i partisë dhe, kur të jetë e përshtatshme, edhe nga personat e ngarkuar me administrimin që të merren prej tyre konfirmime me shkrim lidhur me deklaratimet me gojë që do të bëhen në lidhje me auditimin.

Përgjegjësitë e Audituesit

Auditimi do të kryhet në përputhje me Standardet Ndërkombëtare të Auditimit (SNA-të). Këto standarde kërkojnë që të respektohen kërkesat etike. Si pjesë e një auditimi sipas SNA-ve, do të ushtroj gjykimin profesional dhe do të ruaj skepticizmin profesional gjatë gjithë auditimit.

Objektivat janë që të arrihet një siguri e arsyeshme lidhur me faktin nëse pasqyrat financiare (raporti vjetor financiar), në tërësi, nuk kanë anomali materiale, për shkak të mashtrimit apo gabimit, dhe të lëshohet një raport auditimi që përfshin opinionin tim. Siguria e arsyeshme është një siguri e nivelit të lartë, por nuk është garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston. Anomali mund të vijë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të ndikojnë vendimet e përdoruesve, të marra bazuar në këto pasqyra financiare.

Gjithashtu kam dhe përgjegjësi të tjera raportuese, që burojnë nga termat e kontratës, për të vlerësuar përputhshmërinë e veprimeve ekonomike dhe financiare, që lidhen me kërkesat specifike të Ligjit nr. 8580, datë 17.2.2000, "Për Partitë Politike", i ndryshuar dhe udhëzimet e KQZ-së, me burimet e financimit, procedurat e marrjes së donacioneve jopublike, dokumentimit dhe regjistrimit të tyre, identifikimin e dhuruesve, publikimin e tyre, etj.

Një auditim përfshin kryerjen e procedurave për të marrë evidencë auditimi rreth shumave dhe informacioneve të dhëna në pasqyrat financiare. Procedurat e zgjedhura varen nga gjykimi i audituesit, përfshirë këtu edhe vlerësimin e rreziqeve dhe anomalive materiale në pasqyrat financiare, qoftë për shkak të mashtrimit apo gabimit. Kur vlerëson këto rreziqe, audituesi merr në konsideratë kontrollin e brendshëm të entitetit që lidhet me përgatitjen dhe paraqitjen e drejtë të pasqyrave financiare për të planifikuar procedurën të përshtatshme auditimi për rrethanat përkatëse, por jo me qëllim që të shprehë një opinion mbi efektivitetin e kontrollit të brendshëm të entitetit. Prandaj, ne nuk shprehim një opinion të tillë. Një auditim përfshin gjithashtu, vlerësimin e përshtatshmërisë së politikave kontabël të përdorura dhe të arsyeshmërisë së çmuarjeve kontabël të bëra nga drejtimi, si edhe vlerësimin e paraqitjes së përgjithshme të pasqyrave financiare.

IV. Informacion mbi Subjektin Politik

i. Prezantimi i subjektit politik

Partia e Gjelbër është regjistruar pranë Gjykatës së Shkallës së Parë me vendim nr. 3775 datë 08.11.2001 të Ministrisë së Drejtësisë, me veprimtari Parti politike në përputhje me Ligjin nr.8580 datë 17.02.2000 "Për Partitë Politike", i ndryshuar.

Partia e Gjelbër ushtron veprimtarinë e saj me seli të regjistruar në adresën: Blv. "Bajram Curri", Tiranë.

Partia e Gjelbër si person juridik, është e regjistruar në sistemin tatimor me NIPT L21730451A dhe ka kryer deklaratimet e duhura sipas përgjegjësive tatimore dhe aktivitetit që ajo ka kryer. Gjithashtu, ajo ka plotësuar detyrimin ndaj KQZ-së për dorëzimin e Raportit financiar vjetor 2021.

ii. Forma e organizimit dhe menaxhimit të Partisë

Sipas statutit struktura e organizimit dhe e drejtimit të Partia së Gjellbër përbëhet nga:

Organet Qendrore

- Kongresi i Partisë
- Komiteti Drejtues i Partisë
- Kryetari i Partisë
- Kryesia e Partisë

Veprimtaria ekonomike e partisë administrohet nga Kryetari i Partisë, i cili kontrollon burimet dhe përdorimin e fondeve financiare në funksion të aktiviteteve të dhe qëllimeve të partisë, si dhe shqyrton raportet financiare para dorëzimit të tyre në organet kompetente shtetërore dhe të partisë. Sipas deklarimeve të partisë nuk ka organizata që kanë lidhje të drejtpërdrejtë apo të tërthortë siç mund të jenë fondacionet, organizatat e rinisë, etj.

V. Prezantimi i Raportit Financiar Vjetor dhe Struktura e tij

i. Struktura e raportit— kërkesat formale, të ardhurat dhe shpenzimet

Struktura e Raportit financiar vjetor (Pasqyrat financiare) të Partisë së Gjellbër, të vëna në dispozicion tonin dhe dorëzuar pranë KQZ-së përbëhet nga Pasqyra e Pozicionit financiar 2021, Pasqyra e Performancës, Pasqyra e Flukseve të Mjeteve monetare 2021.

ii. Takimet dhe komunikimet midis audituesit dhe subjektit zgjedhor dhe çdo personi tjetër të tretë

Menjëherë pas firmosjes së kontratës me KQZ-në janë vendosur kontaktet me personin që merret me administrimin e partisë dhe deklaratimet financiare, kryetarin, z. Edlir Petanaj. U nënshkrua kontrata me Kryetarin e Partisë, z. Edlir Petanaj, kontratë në të cilën u përcaktuan termat e angazhimit dhe përgjegjësitë reciproke të palëve. Në vijim u ofruan të dhënat financiare për vitin 2021 si dhe informacioni lidhur me aktivitetin e Partisë, të cilat janë firmosur nga kryetari i Partisë.

iii. Paraqitje e përgjithshme e raportit vjetor të partisë politike, përputhshmëria e tij me kërkesat e raportimit

Kam vlerësuar paraqitjen e përgjithshme, strukturën dhe përmbajtjen e pasqyrave financiare vjetore, përfshirë informacionet shpjeguese të dhëna për vitin 2021, nëse ato paraqesin transaksionet dhe ngjarjet në mënyrën që të japin paraqitjen e drejtë.

Raporti financiar vjetor, i paraqitur dhe publikuar në KQZ, është hartuar sipas SKK-ve, sipas formës së pasqyrave të kërkuara prej SKK-së për OJF-të.

VI. Kërkesat Formale të Raportit Vjetor

A. Përmbledhje

1. Data e Përgatitjes së Pasqyrave Financiare			
	Pasqyra vjetore të deklaruar	Po	Datë Mars 2022
2. Nënshkrimi			
	Nënshkrimi	Po	Mars 2022

B. Informacion mbi Partinë, Audituesin dhe Llogaritë bankare

1. Informacioni për Partinë politike	
Emri i Partisë politike	Partia e Gjelbër
Adresa e selisë	Blv."Bajram Curri", Tiranë
Adresë e-maili	pgj.office@gmail.com
Numër telefoni	Nuk ka
2. Informacion për audituesin ligjor	
Emri i Audituesit ligjor	Elton Tirana
Adresa e Audituesit	Rr. Medar Shtylla, Kompleksi Kika 1, Nd. 47, H.23
Adresë e-maili	elton.tirana@studiotirana.com
Numër telefoni	0699325722
3. Të dhënat e Llogarisë Bankare të Partisë Politike	
Emri i bankës ku mbahet llogaria	Raiffeisen Bank Albania Sh.a
Numri i Llogarisë bankare	ALL – AL24202110130000000030047195 ALL – AL57202110060000000060047195 EURO – AL09202110130000000040047195
Emrat dhe nënshkrimi i të gjithë personave të autorizuar për veprimet tek llogaria bankare	Edlir Petanaj

C. Aktivet dhe Detyrimet

1. Kriteret e klasifikimit të aktiveve	
Përshkrimi i natyrës së secilit aktiv, pronë e partisë, në datën e vlerësimit: Sipas natyrës, aktivet në datën e mbylljes së pasqyrave financiare, 31.12.2021 përbëhen: - Mjete monetare në arkë dhe në bankë	
<u>Vlerat e tregut të aktivit, në datën e vlerësimit nëse është bërë vlerësim, ose vlerën kontabël të mbetur:</u>	
- Mjete monetare në arkë dhe e bankë 31.12.2021.	
Llogaria bankare pranë Raiffeisen Bank 0030047195	10,612.21 Lekë
Llogaria bankare pranë Raiffeisen Bank 0060047195	865,534.8 Lekë
Llogaria bankare pranë Raiffeisen Bank 0040047195	211,662 Lekë
Mjete monetare në Arkë	449,385 Lekë
Shuma mjete monetare	1,537,194 Lekë
Të tjera afat gjata (mobilje zyre dhe informatike)	189,265 Lekë
2. Kriteret e klasifikimit të detyrimeve	

Përshkrimi i llojit të secilit detyrim të partisë, në datën e vlerësimit:	
Sipas llojit, detyrimet në datën e mbylljes së pasqyrave financiare, 31.12.2021 përbëhen:	
- Detyrime për furnizime të ndryshme	
- Detyrime për Paga dhe Sigurime Shoqërore e Shëndetësore	
- Furnitorë për mallra e shërbime	529,300 Lekë
- Paga të pagueshme	273,540 Lekë
- Sigurime Shoqërore e Shëndetësore	25,110 Lekë
- Tatim në Burim dhe Taksa të tjera	51,780 Lekë

D. Përmbledhje Financiare

Përmbledhje Financiare	
Periudha e Raportimit	01 Janar 2021 – 31 Dhjetor 2021
Shuma e Mjeteve Monetare në fillim dhe në fund të periudhës së raportimit	Gjendja e Bankës në fillim: 2,610,407.80 Lekë
	Gjendja e Bankës në fund: 1,087,809 Lekë
	Gjendja e Arkës në fillim: 2,147.20 Lekë
	Gjendja e Arkës në fund: 449,385 Lekë
Shuma e përgjithshme e të gjithë kontributeve të marra	Donacione/Grante: 6,560,343 Lekë
	Financim Ministria e Financave: 207,305 Lekë
Shuma e përgjithshme e të gjitha shpenzimeve të bëra	Shpenzime lidhur me projektin Green Forum:
	6,106,961 Lekë
	Shpenzime administrimi: 379,151 Lekë
	Shpenzime gjithsej: 6,486,112 Lekë
Bilanci në fund të periudhës së raportimit	31 Dhjetor 2021
Shuma e përgjithshme e të gjithë Aktiveve në fund të periudhës së raportimit	Aktivët më 31.12.2021: 1,726,459 Lekë
Shuma e përgjithshme e të gjithë Detyrimeve në fund të periudhës së raportimit	Detyrimet më 31.12.2021: 879,730 Lekë

a. Vlerësimi i informacionit dokumentar mbi llogaritë bankare

Nga evidenca dokumentare që kam marrë nga drejtimi i partisë, rezulton se Partia e Gjellbër disponon 3 Llogari bankare, në monedhën "Lekë & Euro" në Raiffeisen Bank Albania Sh.a. Për të tre llogaritë kam marrë lëvizjet e llogarive bankare (bank statement) për të gjithë vitin financiar nga 1 janari 2021 deri më 31 Dhjetor 2021. Nga auditimi rezultoi se transaksionet janë regjistruar, klasifikuar dhe raportuar në mënyrë të rregullt dhe nuk u konstatuan gabime apo mospërputhje me kërkesat rregullatore.

b. Vlerësimi i informacionit mbështetës të Pasqyrave Financiare

Nga evidenca e dokumentacionit mbështetës mbi të cilat janë hartuar pasqyrat financiare të Partisë së Gjellbër, sipas klasifikimeve dhe llogarive, kemi siguruar të gjitha blerjet, lëvizjet bankare (Statement bankar) për të gjitha llogaritë për periudhën 1.01.2021 – 31.12.2021. Kemi siguruar dokumentacionin e deklaruar nga Partia e Gjellbër në tatime, të tilla si Listëpagesat, Sigurimet Shoqërore dhe

Shëndetësore, Tatimi në Burim, mjetet monetare/financimet (statement bankare dhe dokumentet e arkës). Kam shqyrtuar të gjithë dokumentet e siguruar (pasi ato ishin relativisht të pakta në numër), nëse ishin plota, pasqyrojnë transaksionet dhe ngjarjet e ndodhura gjatë periudhës dhe a i përkasin subjektit. Nga verifikimi, nuk u konstatua ndonjë parregullsi domethënëse nga shqyrtimi formal i tyre.

E. Të Ardhurat

i. Përmbledhje

Lloji i Financimit	Shuma në Lekë
Financim Vjetor i Buxhetit për vitin 2021	0
Financim nga Ministria e Financave	207,305
Kuota Anëtarësie	0
Financim/Grante lidhur me Projektin Green Forum	6,560,343
TOTAL	6,767,648

Të gjitha të ardhurat e mësipërme janë dokumentuar dhe regjistruar në llogaritë e Partisë, ku u verifikuan edhe si hyrje nëpërmjet Llogarive Bankare.

F. Shpenzimet

i. Përmbledhje

Natyra e Shpenzimeve	Shuma në Lekë
Shpenzime Projekti Green Forum	6,106,961
Shpenzime administrimi dhe të tjera të përgjithshme	379,151
TOTAL	6,486,112

Të gjitha Shpenzimet e mësipërme janë dokumentuar dhe regjistruar në llogaritë e Partisë, ku u verifikuan edhe në Llogaritë Bankare dhe të Arkës. Verifikimet e regjistrimeve të mësipërme që lidhen me shpenzimet për ndodhjen, plotësinë, saktësinë, prerjen e periudhës dhe klasifikimin u kryen mbi bazën e vlerësimit të rrisqeve, që janë karakteristikë për aktivitetin e partive politike.

VII. Sinteza dhe Opinioni i Auditimit

A. Sinteza

Përmbledhja e gjetjeve dhe përfundimeve

Përfundova procesin e auditimit bazuar në vlerësimin e rreziqeve të anomalisë materiale, mora evidencë të mjaftueshme dhe të përshtatshme, përdora procedurat që gjykova të nevojshme dhe nuk evidentova anomali materiale si rezultat i gabimit, mashtrimit, përjashtime të qëllimshme apo

informacione të deformuara në pasqyrat financiare 2021 të deklaruara nga Partia e Gjelbër në KQZ, në të gjitha elementët, aktivet, detyrimet, të ardhurat dhe shpenzimet.

Po ashtu u vlerësuan politikat kontabël të përdorura, arsyeshmërinë e çmuarjeve kontabël dhe të shpjegimeve përkatëse të bëra nga drejtimi, dhe arritëm në konkluzionin se ato janë të drejta dhe të përshtatshme për aktivitetin që zhvillon një parti politike. Lidhur me kërkesat specifike të ligjit nr. 8580, datë 17.2.2000, "Për Partitë Politike", i ndryshuar dhe udhëzimet e KQZ-së si, burimet e financimit, procedurat e marrjes së donacioneve jopublike, burimet e lejuara, kufizimet, dokumentimit dhe të regjistrimit të tyre nuk u gjetën parregullsi dhe shkelje ligjore.

Ne besojmë se evidenca e auditimit që kemi marrë është e mjaftueshme dhe e përshtatshme për të dhënë bazat e opinionit tonë të auditimit.

Lista e parregullsive të gjetura gjatë procesit të Auditimit

Nga kontrolli i dokumentacionit financiar të siguruar nga Partia e Gjelbër, konfirmojmë që nuk mungojnë dokumenta financiare mbështetës, duke mos sjellë në këtë mënyrë kufizim të aksesit tonë në informacionin dhe dokumentacionin financiar. Të gjitha transaksionet janë kryer konform ligjeve dhe procedurave, duke u pasqyruar saktë dhe në mënyrë transparente në llogaritë bankare të Partisë, duke shmangur rrezikun në këtë mënyrë të përjashtimeve të qëllimshme apo informacioneve të deformuara në pasqyrat financiare. Nuk konstatohen gabime materiale, në të gjithë elementet e aktivitetit, detyrimeve, të ardhurave dhe shpenzimeve gjatë procesit të auditimit.

B. Opinioni mbi Auditimin e Raportit Financiar 2021

Opinionin pa rezervë

Kam audituar Pasqyrat Financiare për vitin 2021 të Partisë së Gjelbër, të cilat përfshijnë Pasqyrën të Ardhurave dhe Shpenzimeve, Pasqyrën e Pozicionit Financiar dhe të Flukseve të mjeteve monetare më datën 31 Dhjetor 2021.

Sipas opinionit tonë, Raporti financiar vjetor i Partisë së Gjelbër dorëzuar pranë KQZ-së bashkëlidhur paraqesin drejtë, në të gjitha aspektet materiale, pozicionin financiar të Partisë së Gjelbër më datën 31 Dhjetor 2021, performancën financiare dhe flukset e parasë për vitin që mbyllet në këtë datë, në përputhje me Standardet Kombëtare të Kontabilitetit (SKK-të).

Baza për opinionin pa rezervë

Raporti Financiar Vjetor 2021 i dorëzuar pranë KQZ-së, është përgatitur mbi parimet dhe rregullat e përgjithshme të SKK-ve.

Opinionin mbi kërkesat e tjera ligjore dhe rregullatore

Në përfundim të verifikimeve dhe informacioneve të marra, në referencë me kërkesat, kufizimet dhe detyrimet specifike të kërkuara prej ligjit "Për Partitë Politike", i ndryshuar dhe udhëzimeve të KQZ-së, për çështjet që gjejnë zbatim në aktivitetin e kryer për 2021, opinionin ynë është si vijon:

- Burimet e financimit të aktivitetit politik të Partisë së Gjelbër për periudhën raportuese 2021, kanë ardhur nga Financimi nga Ministria e Financave sipas vendimit nr. 1009, datë

19.01.2021 në mbështetje të Partive Politike, si dhe nga Donacionet bazuar në kontratën midis Partisë së Gjellbër dhe The Green Forum Foundation lidhur me realizimin e aktiviteteve e Forumit të Gjellbër.

- Nuk u evidentuan marrje të fondeve jopublike, në para apo në natyrë, nga dhurues të identifikuar dhe të pidentifikuar, me shuma mbi 100 mijë Lekë dhe të papublikuar.
- Nuk u evidentuan parregullsi dhe anomali materiale në zbatimin e kërkesave të Legjislacionit kontabël dhe atij tatimor, për dokumentimin, regjistrimin sipas llogarive, matjen, klasifikimin dhe deklarimin e veprimeve dhe faktet ekonomike që i përkasin partisë, të lidhura me aktivet, detyrimet, të ardhurat dhe shpenzimet.

Tiranë, më 13 Tetor 2022

Elton Tirana

Auditues Ligjor



Elton Tirana
ET

PASQYRAT FINANCIARE 2021

Mbështetur në Ligjin nr. 25, datë 10.05.2018

“Për Kontabilitetin dhe Pasqyrat Financiare”

dhe


Standardin Kombëtar të Kontabilitetit për OJF-të

Të dhëna identifikuese

- Emri
“Partia e Gjelbër”
- Regjimi Juridik
Parti Politike
- NIPT
L 21730451 A
- Adresa
Rr “Blv Bajram Curri”
- Data e krijimit
01.09.2001


Të dhëna të tjera

- Pasqyra financiare
Individuale
- Monedha
ALL
- Rrumbullakimi
Të plota
- Periudha Kontabël
01.01.2021 31.12.2021
- Data e plotësimit të PF
Mars 2022




"PARTIA E GJELBËR"
Pasqyra e Pozicionit Financiar
31 dhjetor 2021

AKTIVET	2021	2020
Mjete monetare dhe ekuivalentët e tyre	1,537,194	2,612,555
Të drejta dhe interesi i arkëtueshëm		
Kontribute të arkëtueshme		
Inventarë dhe shpenzime të parapaguara		
Investime financiare afat gjata		
Aktive të kufizuara për investime në toka, ndërtesa dhe pajisje		
Toka, ndërtesa dhe pajisje		
Të tjera afat gjata (mobilje zyre dhe informatike)	189,265	141,836
Totali i aktiveve	1,726,459	2,754,391
DETYRIMET		
Të pagueshme		
1. Paga	350,430	88,350
2. Sigurime	273,540	41,800
3. Shteti tatim taksa / Tatim në burim	25,110	16,550
Ndëtesa të pagueshme/Furnitorë për shërbime	51,780	30,000
Kontribute të marra në avancë	529,300	
Grante		2,100,840
Premtime të kushtëzuara për të dhënë		
Hua afat gjatë		
Totali i detyrimeve	879,730	2,189,190
AKTIVET NETO		
Të kufizuara		
a) Tokë ose vepra arti të dhuruara për t'u përdorur për qëllime specifike me përcaktimin që të ruhen apo të mos shiten	0	0
b) Aktive të dhuruara me qëllimin për t'u investuar dhe siguruar prej tyre burime të përhershme të ardhurash		
Të pakufizuara		
Të mbartura	846,729	565,201
Shtesa / Pakësime të vitit	565,201	458,312
	281,528	106,889
Totali i aktiveve neto	846,729	565,201


PARTIA E GJELBËR
Pasqyra e Aktiviteteve (performancës)
31 dhjetor 2021
(Shpenzimet të paraqitura sipas funksionit)

Përshkrimi i zërit	2021	2020
Ndryshimi në aktivet neto të pakufizuara:		
Të ardhurat:		
Të ardhura nga tarifat e anëtarësimit		
Të ardhura nga donacionet dhe kontributet vullnetare	6,560,343	
Të ardhura nga grantet qeveritare apo nga agjenci të tjera të financimit	207,305	3,026,837
Të ardhura nga investimet apo dhurimet		
Tarifat për shërbimet		
Të ardhura nga aktivitetet tregtare		
Të ardhura të tjera		73,623
Totali i të ardhurave nga aktivet neto të pakufizuara	6,767,648	3,100,460
Aktive neto të çliruara nga kufizimet:		
Realizimi i kufizimeve të programit		
Realizimi i kufizimit për blerjen e pajisjeve		
Përfundimi i kufizimit të afatit		
Totali i aktiveve neto të çliruara nga kufizimet	0	0
Totali i të ardhurave nga aktivet neto të pakufizuara:	6,767,648	3,100,460
Shpenzime sipas programeve		
Aktiviteti A	(6,106,961)	-2,768,600
Aktiviteti B		
Aktiviteti C		
Shpenzime administrimi dhe të tjera të përgjithshme	(379,151)	-224,971
Krijim dhe rritje fondesh		
Totali i shpenzimeve	(6,486,112)	-2,993,571
Rritja/Rënia në aktivet neto të pakufizuara (A)	281,536	106,889



<i>Ndryshimi në aktivet neto të kufizuara:</i>		
Kontributet		
Të ardhurat nga investimet afat gjata		
Fitimi i realizuar dhe i porealizuar nga investimet afatgjata		
Humbja aktuariale nga obligacioni vjetor		
Aktivet neto të çliruara nga kufizimet (me shenjë minus)		
Rritja/Rënia në aktivet neto përkohësisht të kufizuara (B)	0	0
<i>Ndryshimi në aktivet neto (A + B)</i>	281,536	106,889
Aktive neto në fillim të vitit	565,201	458,312
Aktive neto në fund të vitit	846,737	565,201

A.H.H.



PARTIA E GJELBËR
Pasqyra e Flukseve të Mjeteve Monetare
31 dhjetor 2021
Metoda Direkte

Përshkrimi i zërave	2021	2020
Flukset nga aktivitetet e shfrytëzimit		
Para të arkëtuara nga kontribute të pakufizuara	4,667	3,027
Para të arkëtuara nga përfituesit e shërbimeve		(2,374)
Grante i pagueshëm / kthyeshëm		
Të paguara për punonjësit	(834)	(544)
Të paguara për furnitorët	(4,739)	
Interes i paguar		
Interes dhe dividendë të arkëtuar		
Flukse neto nga aktivitetet e shfrytëzimit	-906	109
Flukset nga aktivitetet investuese		
Kontribute të kufizuara		
Blerje/Shitje investimesh		
Blerje/Shitje të aktiveve afatgjata materiale	-92	
Flukse neto nga aktivitetet investuese	-92	0
Flukse nga aktivitetet financuese		
Arkëtime nga kontributet e kufizuara për investime në dhurime / ndihma		2,101
Interesa dhe dividendë të kufizuar për qëllime në terma afatgjatë		
Principal i paguar për dëftesat e pagueshme		
Flukse neto nga aktivitetet financuese	0	2,101
Rritje / Rënie neto e flukseve	-998	2,210
Gjendje në fillim të periudhës	2,613	403
Efektet e kursit të këmbimit	-78	
Gjendje në fund të periudhës	1,537	2,613

